

হাফেযে হাদীস ইমামে আযম  
আবু হানীফা রহ.

একশো ঘটনা, ফিকহ ও হাদীসশাস্ত্রে  
তাঁর মান ও অবদান

অনুবাদ ও সংকলন  
মাওলানা বুহুল আমীন  
মুহাদ্দিস, আশরাফুল উলূম মাদরাসা  
মঙ্গলবাড়ীয়া বাজার, কুষ্টিয়া।

সম্পাদনা  
মাওলানা মাসউদুর রহমান

(আমি স্মৃতি সর্বদা ১৯৫৮) ৩৩ ২৪৫

প্রকাশনায়  
রাহনুমা প্রকাশনী <sup>TM</sup>

## সূচিপত্র

- ইমাম আবু হানীফা নুমান ইবনে সাবিত রহ.—০১১  
ইলম হাসিল—২৭  
স্বভাব-চরিত্র—২৯  
ইবাদত-বন্দেগী—৩০  
তাকওয়া ও পরহেযগারি—৩৩  
ইশকে রাসূল সাল্লাল্লাহু আলাইহি ওয়াসাল্লাম—৩৭  
মায়ের খেদমত ও মুহাব্বত—৩৮  
উলামায়ে কেলাম ও বড়দের প্রতি ভক্তি-শ্রদ্ধা—৩৯  
দানশীলতা—৪২  
ইমাম আবু হানীফা রহ.-এর বিনয়—৪৭  
ইমাম আবু হানীফা রহ.-এর দুনিয়াবিমুখতা—৪৮  
ধৈর্য ও সহনশীলতা—৪১  
কোমলতা—৫৪  
বীরত্ব ও সাহসিকতা—৫৫  
হাস্য-কৌতুক—৫৮  
তর্ক ও মুনাযারা—৫৯  
জবানের হেফাজত—৬৬  
বুদ্ধিমত্তা ও দূরদর্শিতা—৬৭  
উপস্থিত জবাব—৭৭  
ফিকাহশাস্ত্রে ইমাম আবু হানীফা রহ.—৮০  
কূফার সর্বশ্রেষ্ঠ ফকীহ—১০০  
হাদীসশাস্ত্রে ইমাম আবু হানীফা রহ.—১০৬

- স্বপ্ন ও সুসংবাদ—১১৫  
 সাহাবায়ে কেলাম রাযি.-এর দর্শন—১১৭  
 উস্তাদ ও শাগরেদগণ—১২৬  
 আবু হানীফা রহ.-এর উপদেশ ও অসীয়ত—১২৭  
 উলামায়ে কেলামের দৃষ্টিতে  
 ইমাম আবু হানীফা রহ.—১৩১  
 ইত্তেকাল—১৩৭  
 ইমাম আবু হানীফা রহ.-এর বিরুদ্ধে উত্থাপিত  
 অভিযোগসমূহের জবাব—১৪০  
 কিতাবুল আসারের বৈশিষ্ট্যসমূহ—১৭৩  
 তথ্যসূত্র—১৮২

## ইমাম আবু হানীফা নুমান ইবনে সাবিত রহ.

নাম ও বংশ-পরিচয় :

ফিকাহশাফের পথিকৃৎ, উম্মতের আলোর দিশারি, উজ্জ্বলতম এই নক্ষত্রের নাম নুমান ইবনে সাবিত। তিনি ইমাম আযম হিসেবে খ্যাতিমান ছিলেন। আবু হানীফা ছিল তাঁর উপনাম।

বংশ-পরম্পরা :

ইমাম আযম আবু হানীফা নুমান ইবনে সাবিত ইবনে নুমান ইবনে মারযুবান তাইমী কূফী রহ.।

তাঁর পূর্বপুরুষদের মধ্যে নুমান ইবনে মারযুবান ছিলেন কাবুলের (আফগানিস্তানের রাজধানী) অন্যতম বিচক্ষণ ও দূরদর্শী ব্যক্তিত্ব। তিনি হযরত আলী রাযি.-এর খেলাফতকালে চলে আসেন কূফায় এবং সেখানেই বসবাস শুরু করেন স্থায়ীভাবে। হযরত আলী রাযি.-এর সঙ্গে এই বংশের ছিল গভীর সম্পর্ক।

ইমাম আবু হানীফা রহ.-এর নাতি ইসমাজিল রহ. বলেন, 'আমার নাম ইসমাজিল ইবনে হাম্মাদ ইবনে নুমান ইবনে সাবিত ইবনে নুমান ইবনে মারযুবান। আমরা পারস্যবংশীয়। আমাদের খানদানের কেউ কখনো ক্রীতদাস ছিল না। আমার দাদা আবু হানীফা রহ. ৮০ হিজরীতে জন্মগ্রহণ করেন।' আমার পরদাদা সাবিত বাল্যকালে হযরত আলী

১. প্রথম শতাব্দীতে জন্ম নেওয়া মনীষীদের জন্মতারিখ নিয়ে যথেষ্ট মতভেদ দেখা যায়। কেননা, তখন পর্যন্ত 'রিজালশাফের' আবিষ্কার হয়নি। আর এ কারণেই অনেক সাহাবীর ইন্তেকালের সন-তারিখের ব্যাপারে মতভেদ দেখা যায়। ইমাম আবু হানীফা রহ.-এর জন্মতারিখের ব্যাপারেও কিছুটা মতভেদ লক্ষ করা যায়।

রাযি.-এর খেদমতে উপস্থিত হলে তিনি তাঁর এবং তাঁর সন্তানদের জন্য বরকত ও কল্যাণের দুআ করেন। আমি মনে করি আল্লাহ তাআলা হযরত আলী রাযি.-এর এই দুআ কবুল করেছেন। নুমান ইবনে মারযুবান নববর্ষের আনন্দ উৎসবে হযরত আলী রাযি.-কে ফালুদা (একপ্রকার পানীয়, যা দই, বরফ, জেলি ও চিনির সংমিশ্রণে তৈরি হয়) পেশ করলে তিনি বললেন, প্রতিদিনই আমাদের নববর্ষ।' -আখবারু আবী হানীফা ওয়া সাহেবাইহি, পৃ. ৩

কূফার এক সম্ভ্রান্ত গোত্রের নাম ছিল বনী তাইমিল্লাহ ইবনে সা'লাবা। এই গোত্রটির নিকট ইমাম আবু হানীফা রহ.-এর পূর্বপুরুষদের কেউ মুসলমান হওয়ার সুবাদে তাঁর খানদান নিজেদের তাইমী বলে আখ্যায়িত করে। মর্যাদা ও নেতৃত্বগুণের কারণে সে গোত্রের মানুষ ছিল আঁধারের প্রদীপতুল্য। -জামহারাতু আনসাবিল আরব, পৃ. ৩৯৯

ইমাম আবু হানীফা রহ. খলীফা আবদুল মালিক ইবনে মারওয়ানের খেলাফতকালে ৮০ হিজরীতে কূফার পূর্বাঞ্চলে জন্মগ্রহণ করেন। তখন কূফা শহরের আবাদির বয়স হয়েছিল প্রায় ৬৭ বছর। সেখানে ছিলেন অনেক সাহাবায়ে কেলাম রাযি. ও তাবেঈনে এজাম, যাঁদের আনাগোনায কূফার অলিগলি পরিণত হয়েছিল দাবুল ইলমে (ইলমের নগরীতে)। সর্বত্র দীনী ও ইলমী মজলিস প্রতিষ্ঠা লাভ করেছিল। এ পরিবেশের মধ্য দিয়েই বড় হয়ে ওঠেন ইমামে আযম আবু হানীফা রহ.। বংশগতভাবেই তাঁর ছিল রেশম ও রেশমি কাপড়ের ব্যবসা। কূফার জামে মসজিদের সন্নিহিতে হযরত আমর ইবনে হুরাইস রাযি.-এর বরকতময় জমিনেই ছিল তাঁর দোকান।

আল্লামা আবুল কাসেম সিমনানী রওযাতুল কূফাত নামক গ্রন্থে ইমাম আবু হানীফা রাহ.-এর জন্মতারিখ সম্পর্কে ২টি মত উল্লেখ করেছেন—৭০ হিজরী ও ৮০ হিজরী।

হাফিয আবদুল কাদের কুরাশী জাওয়াহিরিল মুদিয়া কিতাবে এ ব্যাপারে ৩টি মত উল্লেখ করেছেন—৬১, ৬৩ ও ৮০ হিজরী।

আল্লামা হাফিয বদরুদ্দীন আইনী রাহ. তাঁর তারীখে কাবীর নামক কিতাবেও ৩টি মত উল্লেখ করেছেন—৬১, ৭০ ও ৮০ হিজরী। -অপর পৃষ্ঠায় দ্রষ্টব্য

তবে আল্লামা ইবনে আবদিল বার এবং আল্লামা যাহাবীসহ অধিকাংশ উলামায়ে কেলামের মতে ইমাম আবু হানীফা রাহ.-এর জন্ম ৮০ হিজরীতে।

আল্লামা যাহেদ কাওসারী রাহ. একাধিক দলিল-প্রমাণের ভিত্তিতে ৭০ হিজরীর মতকে প্রাধান্য দিয়েছেন। -তানীবুল খতীব, ৪২-৪৪

শৈশবে হজের সফরে মক্কাতে সাহাবী হযরত আবদুল্লাহ ইবনে হারিস ইবনে জায়'আ রাযি.-এর সঙ্গে সাক্ষাৎ হলে তাঁর নিকট থেকে তিনি একটি হাদীস বর্ণনা করেন।

মুসনাদে ইমাম আযম কিতাবে উল্লেখ রয়েছে, ইমাম আযম আবু হানীফা রহ. বলেন, ৮০ হিজরীতে আমার জন্ম হয় এবং ৯৬ হিজরীতে আমি আমার পিতার সঙ্গে হজে যাই। তখন আমার বয়স ১৬ বছর। মসজিদে হারামে প্রবেশ করতেই একটি ইলমী মজলিস দেখে আমার পিতাকে জিজ্ঞাসা করলাম, এটা কার মজলিস? তিনি বললেন, এটা আল্লাহর নবীর সাহাবী হযরত আবদুল্লাহ ইবনে হারিস ইবনে জায়'আ রাযি.-এর মজলিস। এটা শুনে আমি সামনের দিকে অগ্রসর হই। মজলিসের নিকট পৌঁছতেই তাঁকে হাদীস বর্ণনা করতে শুনলাম, তিনি বলছেন, 'আমি রাসূলুল্লাহ সাল্লাল্লাহু আলাইহি ওয়াসাল্লামকে বলতে শুনেছি, তিনি বলেছেন, যে ব্যক্তি দীনী জ্ঞান অর্জন করবে, আল্লাহ তাআলা তার সকল প্রয়োজন পূরণের জন্য যথেষ্ট হয়ে যাবেন। এবং তার জন্য অকল্পনীয় উপায়ে (উত্তম) রিযিকের ব্যবস্থা করবেন।' -মুসনাদে ইমাম আযম, পৃ. ২৫

ইমাম ইবনুল কাইয়িম তাঁর ই'লামুল মুওয়াক্কিঈন গ্রন্থে লিখেছেন, হযরত আবদুল্লাহ ইবনে মাসউদ রাযি., হযরত আবদুল্লাহ ইবনে উমর রাযি. এবং হযরত আবদুল্লাহ ইবনে আব্বাস রাযি.-এর শাগরিদদের মাধ্যমে মুসলিম মিল্লাতের মাঝে ইলমী জ্ঞান-বিজ্ঞানের বিকাশ ঘটে। মদীনাতে যায়েদ ইবনে সাবিত রাযি. এবং আবদুল্লাহ ইবনে উমর রাযি.-এর শাগরিদদের মাধ্যমে এবং ইরাকে হযরত আবদুল্লাহ ইবনে মাসউদ রাযি.-এর শাগরিদদের মাধ্যমে, মক্কাতে আবদুল্লাহ ইবনে আব্বাস রাযি.-এর শাগরিদদের মাধ্যমে ইসলামী জ্ঞান তথা কুরআন, হাদীস ও ফিকহের প্রচার-প্রসার ঘটে। -ই'লামুল মুওয়াক্কিঈন, ১/১৬

হযরত আবদুল্লাহ ইবনে মাসউদ রাযি.-এর শাগরিদদের মধ্যে কূফায় বসবাসকারী আলকামা ইবনে কায়েস রাসূলুল্লাহ সাল্লাল্লাহু আলাইহি ওয়াসাল্লামের জীবদ্দশাতেই জন্মগ্রহণ করেছিলেন। তিনি আবদুল্লাহ ইবনে মাসউদ রাযি. ছাড়াও হযরত উমর রাযি., হযরত উসমান রাযি., হযরত

আলী রাযি., হযরত সাদ রাযি., হযরত আবূদ-দারদা রাযি., হযরত আবূ মুসা আশআরী রাযি., হযরত খালিদ ইবনে ওয়ালিদ রাযি., হযরত আয়েশা সিদ্দীকা রাযি. ও অন্যান্য শীর্ষস্থানীয় সাহাবায়ে কেলাম রাযি. থেকে হাদীস বর্ণনা করেন। সাহাবায়ে কেলাম রাযি. আলকামা ইবনে কায়েসের নিকট ফতোয়া জিজ্ঞাসা করতেন।

আলকামা ইবনে কায়েস রাযি. থেকে তাঁর ভাগ্নে ইবরাহীম ইবনে ইয়াযিদ নাখঈ রহ. ইলমে ফিকহ শিক্ষা করেন। তিনি আলকামা ছাড়া অন্যান্য শীর্ষস্থানীয় তাবেঈর থেকেও ইলমের ফয়েয ও বরকত লাভ করেন। এই আলকামা ও তাঁর ভাগ্নে ইবরাহীম নাখঈ রহ.-এর সম্পর্কে আবূ মুসান্না রবাহ মন্তব্য করেন যে, তুমি যখন আলকামাকে দেখতে পেয়েছ, তাহলে তোমার মনে আবদুল্লাহ ইবনে মাসউদ রাযি.-কে না দেখার দুঃখ থাকা উচিত নয়। কেননা, আলকামা ছিলেন ইবনে মাসউদের সর্বাধিক সাদৃশ্যপূর্ণ। একইভাবে যখন তুমি ইবরাহীমকে দেখতে পেয়েছ, তখন আলকামার সান্নাৎ না পাওয়ার জন্য তোমার কোনো আফসোস থাকা উচিত নয়। -তাহযীবুত তাহযীব, ৭/২৮৭

হাম্মাদ ইবনে আবী সুলাইমান (মৃত. ১২০ হি.) ইবরাহীম নাখঈ রহ. থেকে ইলমে ফিকহ অর্জন করেন। এ ছাড়া সাঈদ ইবনে মুসায়্যিব, সাঈদ ইবনে জুবায়ের, ইকরিমা, আবদুল্লাহ ইবনে আব্বাস, হাসান বসরী, আমের শা'বী ও অন্যান্য মহান ব্যক্তির থেকেও ইলমের ফয়েয ও বরকত লাভ করেন। আর হাম্মাদ রহ. থেকেই ইমাম আযম আবূ হানীফা ফিকহ ও ফতোয়ার জ্ঞান অর্জন করে আবদুল্লাহ ইবনে মাসউদ রাযি.-এর ফিকহী দৃষ্টিভঙ্গির প্রসার ও প্রচলন ঘটান এবং তাঁর থেকে অসংখ্য শাগরিদ ইলমে ফিকহ ও ফতোয়ার উত্তরাধিকার লাভ করেন। যাঁদের শীর্ষে ছিলেন কাজী আবূ ইউসুফ, মুহাম্মাদ ইবনে হাসান, যুফার ইবনে হুয়াইল। হাম্মাদ ইবনে আবূ হানীফা, কাজী আফিয়া ইবনে ইয়াযিদ আওদী, নূহ ইবনে দাররাজসহ আরও অনেকেই।

হযরত ইবরাহীম নাখঈ রহ.-এর ইস্তেকালের পর তাঁর শাগরিদ হাম্মাদ ইবনে আবী সুলাইমানই ছিলেন ফিকাহ ও ফতোয়ার জগতে সর্বজনস্বীকৃত ব্যক্তিত্ব। যখন হাম্মাদেরও ইস্তেকাল হয়, তখন

ইলমপিপাসুরা তাঁর স্থলাভিষিক্তের অনুসন্ধানের বের হলেন। একপর্যায়ে তাদের নির্বাচনী দৃষ্টি পড়ল তাঁরই পুত্র ইসমাঈলের ওপর। সুতরাং আবু বকর নাহশালী, আবু বুরদা আতাবী, মুহাম্মাদ ইবনে জাবের, আবু হুসাইন হাবীব ইবনে সাবিত ও তাঁদের শাগরিদদের একটি দল ইসমাঈলকে তাঁর পিতা হাম্মাদের স্থলাভিষিক্ত বানালেন। কিন্তু কিছুদিন পর জানা গেল ইসমাঈল আরবী ভাষার ব্যাকরণ, সাহিত্য ও আরবদের জাহেলী যুগের যুদ্ধ-বিগ্রহের কবিতা সম্পর্কে অবগত থাকলেও ফিকাহশাস্ত্রে তাঁর প্রয়োজনীয় দক্ষতা ছিল না।

এ জন্য সকলেই আবু বকর নাহশালীকে হাম্মাদের স্থলাভিষিক্ত করতে চাইলে তিনি অস্বীকৃতি জানান। এরপর একই প্রস্তাব আবু বুরদা আতাবীকে দেওয়া হলে তিনিও অস্বীকার করেন। অবশেষে সকলেই একমত হয়ে আবু হানীফাকে হাম্মাদের স্থলাভিষিক্ত হিসেবে নির্বাচন করলেন এই বলে যে, 'এই রেশমি কাপড় বিক্রেতা যদিও বয়সে ছোট কিন্তু ফিকাহশাস্ত্রে রয়েছে তাঁর অসাধারণ পাণ্ডিত্য।'

ইমাম আবু হানীফা রহ. নিজ সাথীদের অনুরোধে উস্তাদের মসনদে বসার প্রস্তাব মঞ্জুর করলেন। দরস শুরু হলে এতে অংশগ্রহণ করলেন হাম্মাদ ইবনে আবী সুলাইমানের প্রথম সারির শাগরিদগণ।

কূফা শহরে এ সংবাদ ছড়িয়ে পড়লে আবু ইউসুফ, আসাদ ইবনে আমর, কাসিম ইবনে মাআন, যুফার ইবনে হুয়াইল, ওয়ালিদ ইবনে আবান, আবু বকর হুয়ালী এবং অন্যান্য ইলমপিপাসু তাঁর দরসে শরীক হতে লাগলেন। শহরের অভিজাত শ্রেণির মানুষ—এমনকি আমীর-উমারা পর্যন্ত উপস্থিত হতে লাগলেন ইমাম আবু হানীফার দরসে। ফলে বিপুলসংখ্যক মানুষের উপস্থিতি ঘটতে থাকল কূফার জামে মসজিদে।

সঙ্গীদের প্রস্তাবে ইমাম আবু হানীফা রহ. উস্তাদের স্থলাভিষিক্ত হয়ে শুরুতে দরসদানের ক্ষেত্রে চরম দ্বিধাদ্বন্দ্বের মাঝে ছিলেন। এই মানসিক দ্বিধাদ্বন্দ্বের সময়ে তিনি একটি স্বপ্ন দেখলেন যা বাহ্যিকভাবে তাঁর অস্থিরতাকে আরও বাড়িয়ে দিল। ইমাম আবু হানীফা রহ. নিজেই বলেন, 'একদিন আমি স্বপ্নে দেখি যে, আমি রাসূলুল্লাহ সাল্লাল্লাহু আলাইহি ওয়াসাল্লামের পবিত্র কবর খনন করছি। যার কারণে আমার মাঝে ভীষণ



ভয়ের সঞ্চারণ হলো। তাই বসরায় গিয়ে একজন লোকের মাধ্যমে বিখ্যাত স্বপ্নব্যাখ্যাকারী ইমাম মুহাম্মাদ ইবনে সিরীনের নিকট এ স্বপ্নের ব্যাখ্যা জিজ্ঞাসা করলাম।' মুহাম্মাদ ইবনে সিরীন স্বপ্নের ব্যাখ্যায় বললেন, 'এ ব্যক্তি রাসূলুল্লাহ সাল্লাল্লাহু আলাইহি ওয়াসাল্লামের হাদীস ভাণ্ডারকে মানুষের মাঝে পুনরুজ্জীবিত করবেন।' এরপর ইমাম আবু হানীফা রহ. স্বাচ্ছন্দ্যে ফিকহ ও ফতোয়ার দরস দিতে শুরু করলেন।

ইমাম আবু হানীফা রহ. দীনী ইলম তথা হাদীস ও ফিকহের তালীম দিচ্ছিলেন, যে মুহূর্তে সেই মজলিসে উপস্থিত ছিল সকল বিষয়ে অভিজ্ঞ বড় বড় জ্ঞানীদের এক জামাত। ইমাম ওয়াকী ইবনুল জাররাহ রহ. বলেন, শরীয়তের কোনো মাসআলায় ইমাম আবু হানীফা রহ. ভুল করতে পারেন না। কারণ, তাঁর মজলিসে উপস্থিত থাকেন সকল শাস্ত্রের পণ্ডিত ব্যক্তির। যেমন : ফিকাহশাস্ত্রে আবু ইউসুফ, যুফার ইবনে হুযাইল এবং মুহাম্মাদ ইবনে হাসান। হাদীসশাস্ত্রে ইয়াহইয়া ইবনে যাকারিয়া ইবনে আবী যায়েদা, হাফস ইবনে গিয়াস, হিব্বান ইবনে আলী ও মা'যিল ইবনে আলী। আরবী ভাষাজ্ঞানে কাসিম ইবনে মাআন ইবনে আবদুর রহমান। তাকওয়া ও খোদাভীরুতায় দাউদ ইবনে নাসির তাঈ ও ফুযাইল ইবনে আয়ায যাঁরা প্রত্যেকেই ছিলেন আপন আপন বিষয়ে অপ্রতিদ্বন্দ্বী। অতএব যাঁর মজলিসে এমন বিজ্ঞজনদের উপস্থিতি থাকে তিনি ভুল করতে পারেন না। হঠাৎ ভুল হয়ে গেলেও উপস্থিত পণ্ডিতরা তাঁকে শুধরে দেবেন। - সীরাতে আইম্মায়ে আরবাআ, পৃ. ৬০-৬২

ইসলামী ফিকাহশাস্ত্রের বিন্যাস অনুযায়ী নিয়মতান্ত্রিকভাবে কিতাব সংকলনের ধারা সূচনা হয় হিজরী দ্বিতীয় শতাব্দীর মাঝামাঝিতে। এ সময়ে ইসলামী দুনিয়ার কোথাও কোথাও আলেম-উলামা ও মুহাদ্দিসগণ বিভিন্ন কিতাব রচনা করেছিলেন। যেমন বসরাতে রবী ইবনুস সাবিহ, কূফাতে মা'মার ইবনে রাশেদ, খুরাসানে আবদুল্লাহ ইবনে মুবারক, শামে ওয়ালিদ ইবনে মুসলিম এবং ওয়াসিতে হুশাইম ইবনে বশীর। ঠিক সেই সময়েই ইমাম আবু হানীফা রহ. কূফাতে ফিকাহশাস্ত্রের গোড়াপত্তন করেন।

তিনি তাঁর শাগরিদদের নিয়ে ফিকহ-এর একটি গবেষণা কেন্দ্র প্রতিষ্ঠা করেন। সেখানে হাদীস ও ফিকহের অনেক নুসখা তৈরি করা

হয়। পরবর্তীতে তাঁর শাগরিদগণ নিজ নিজ পাঠদানের মজলিসে সেই নুসখাগুলো থেকেই মাসআলা বর্ণনা করতেন। যার দরুন সেগুলো তাদেরই কিতাব হিসেবে পরিচিতি লাভ করে। এরপর স্বয়ং ইমাম আবু হানীফা রহ.-এর নামে কয়েকটি কিতাব বাকি থেকে যায়। যার মধ্যে চারটি কিতাবের নাম আল্লামা ইবনে নাদীম উল্লেখ করেছেন। যথা :

(১) أَلْفِئَةُ الْأَكْبَرُ (২) رِسَالَةٌ إِلَى النَّبِيِّ

(৩) أَلْعِلْمُ وَالْمُتَعَلَّمُ (৪) أَلرَّدُّ عَلَى الْقَدَرِيَّةِ -আল-ফেহরিসত, পৃ. ২৮৫

ইমাম আবু হানীফা রহ.-এর ইন্তেকালের বহুকাল পরেও—এমনকি আজ পর্যন্ত তাঁর লিখিত কিতাব থেকে মানুষ উপকৃত হচ্ছে। তাঁর গুণাগুণ শোনা যেত সে যুগের বিজ্ঞজনদের মুখে।

আবদুল্লাহ ইবনে দাউদ ওয়াসেতী রহ. বলেন, যে ব্যক্তি মূর্খতার লাঞ্ছনা থেকে বের হয়ে ফিকাহশাখ্বের স্বাদ আশ্বাদন করতে চায়, সে যেন ইমাম আবু হানীফা রহ.-এর কিতাব পড়ে। -আখবারু আবী হানীফা ওয়া সাহেবাইহী, পৃ. ৭৮

যায়েদা ইবনে কুদামা রহ. বলেন, আমি হাদীসসম্রাট সুফিয়ান ছাওরী রহ.-এর বালিশের নিচে একটি কিতাব দেখতে পেলাম, যা তিনি নিয়মিত পড়তেন। আমি কিতাবটি দেখার অনুমতি পেয়ে হঠাৎ খুলতেই দেখি সেটা ইমাম আবু হানীফা রহ.-এর কিতাব كِتَابُ الرَّفْعِ তখন আমি সুফিয়ান ছাওরী রহ.-কে বললাম, আপনি ইমাম আবু হানীফার কিতাব পড়েন? তিনি বললেন, আমার মনে চায় আবু হানীফার লিখিত সকল কিতাব আমার নিকট থাকুক আর এক এক করে আমি সেগুলো সব অধ্যয়ন করি। তাঁর ইলমী গবেষণা ও বিশ্লেষণের তো শেষ নেই।

সাজাওয়া বলেন, আমি এবং আবু মুসলিম মুসতামলী উভয়ে বিখ্যাত মুহাদ্দিস ইয়ায়িদ ইবনে হাব্বুনের নিকট গেলাম। তখন তিনি বাগদাদে খলীফা মানসুরের দরবারে অবস্থান করছিলেন। আবু মুসলিম তাঁকে জিজ্ঞেস করলেন, হে আবু খালিদ, (ইয়ায়িদ ইবনে হাব্বুন) আবু হানীফার কিতাব অধ্যয়নের ব্যাপারে আপনার মতামত কী? তিনি বললেন, যদি তোমরা ফকীহ হতে চাও, তাহলে আবু হানীফার কিতাব পড়তে থেকো।